

Bosna i Hercegovina
Federacija Bosne i Hercegovine
Kanton Sarajevo
Grad Sarajevo
Općina Novi Grad Sarajevo
Općinski Načelnik

Broj: 02/12-45-15581/23
Sarajevo, 22.08.2023. godine

Na osnovu člana 70. stav 1. Zakona o javnim nabavkama ("Službeni glasnik", br. 39/14 i 59/22), člana 26. Pravilnika o javnim nabavkama roba, vršenju usluga i ustupanju radova, br. 02/12-45-712/23 od 12.01.2023. godine, u predmetu javne nabavke "Nabavka usluge kolektivnog osiguranja zaposlenih lica u Općini Novi Grad Sarajevo" u Konkurentskom postupku, objavljenom u Službenom glasniku BiH, br. 47/23 i Portalu javne nabavke, broj obavještenja 422-7-2-163-3-159/23 od 04.07.2023. godine, na Preporuku Komisije za javne nabavke roba i usluga, Općinski načelnik, donosi

ODLUKU

1. Prihvata se ponuda ponuđača ADRIATIK OSIGURANJE DD Sarajevo, sa ponudom od 19.836,00 KM bez PDV – a, u predmetu javne nabavke "Nabavka usluge kolektivnog osiguranja zaposlenih lica u Općini Novi Grad Sarajevo" u Konkurentskom postupku, objavljenom u Službenom glasniku BiH, br. 47/23 i Portalu javne nabavke, broj obavještenja 422-7-2-163-3-159/23 od 04.07.2023. godine, shodno članu 64. stav 1. tačka b. Zakona o javnim nabavkama.

2. Zadužuje se Služba za zajedničke poslove da obavjesti učesnike u Otvorenom postupku javne nabavke o donošenju Odluke o dodjeli ugovora.

3. Zadužuje se izabrani ponuđač da dostavi ovjerene kopije uvjerenja iz člana 45. – 47. Zakona o javnim nabavkama i ovjerenu kopiju Izvještaja o računima poslovnog subjekta Centralne banke BiH u roku od 5 dana po prijemu ove Odluke.

4. Protiv ove Odluke dozvoljena je žalba u roku od 5 dana od dana prijema iste.

Obrazloženje

Postupak javne nabavke – "Nabavka usluge kolektivnog osiguranja zaposlenih lica u Općini Novi Grad Sarajevo, pokrenut je Odlukom o pokretanju postupka javne nabavke u skladu sa članom 18. Zakona o javnim nabavkama, u Konkurentskom postupku javne nabavke, objavljenom u Službenom glasniku BiH, br. 47/23 i Portalu javne nabavke, broj obavještenja 422-7-2-163-3-159/23 od 04.07.2023. godine.

Izvještajem i preporukom Komisije za javne nabavke, utvrđeno je sljedeće:

- Da je Zapisnikom sa otvaranja ponuda od 17.07.2023. godine, konstatovano je da su zaprimljene tri ponude:

1. ASA CENTRAL OSIGURANJE DD Sarajevo, sa ponudom od 19.972,80 KM bez PDV - a,
2. SARAJEVO OSIGURANJE DD Sarajevo, sa ponudom od 19.972,80 KM bez PDV - a,
3. ADRIATIK OSIGURANJE DD Sarajevo, sa ponudom od 19.836,00 KM bez PDV - a.

- Da je Komisija detaljnom analizom pristiglih ponuda, odnosno dokumentacije kojom su ponuđači dokazali svoje kvalifikacije za učešće u ovom postupku, utvrdila da ponude ponuđača SARAJEVO OSIGURANJE DD Sarajevo i ADRIATIK OSIGURANJE DD Sarajevo ispunjavaju uslove specificirane u tenderskoj dokumentaciji, te da su iste računski ispravne, dok ponuda ponuđača ASA CENTRAL OSIGURANJE DD Sarajevo ne ispunjava uslove specificirane u tenderskoj dokumentaciji, iz tačke 1.5.1. koja glasi:

„Usluga podrazumjeva kolektivno osiguranje uposlenika za osigurane sume:

- Za slučaj smrti usljed bolesti,
- Za slučaj smrti usljed nezgode,
- Za slučaj trajnog invaliditeta.

Osiguranje obuhvata nezgodu na poslu i van posla, za sva uposlena lica bez obzira na zdravstveno stanje uposlenih punih 24 sata dnevno i 7 dana sedmično, bez teritorijalnog ograničenja“.

Kako je ponuđač ASA CENTRAL OSIGURANJE DD Sarajevo u Dopunskim uslovima za kolektivno kombinovano osiguranje radnika od posljedica nesretnog slučaja u članu 3. tačka 3. propisao da „Osiguranje za slučaj smrti usljed bolesti može se ugovoriti samo za zdrave osobe u smislu člana 3. tačka 6. Općih uslova za osiguranje od posljedica nesretnog slučaja (nezgode)“, a članom 3. tačka 6. Općih uslova je propisano da „Osiguranje za slučaj smrti usljed bolesti može se ugovoriti samo za zdrave osobe. Zdravom osobom u smislu ovih općih uslova smatra se osoba kod koje nije prije početka osiguranja dijagnosticirana jedna od teških bolesti...“, kao i članom 16. tačka 4. propisano da „Korisnik osiguranja gubi pravo iz osiguranja ako je smrt osiguranika nastupila kao posljedica bolesti kao što su: srčani udar, moždani udar, operacija na mozgu, kancerogeno oboljenje, teško oboljenje jetre ili bubrega, infekcija HIV-om, hronična infektivna bolest i sl, a koja je bila dijagnosticirana prije početka osiguranja.“

Imajući u vidu da je ponuđač ASA CENTRAL OSIGURANJE DD Sarajevo u svojim Općim uslovima za osiguranje od posljedica nesretnog slučaja (nezgode) i Dopunskim uslovima za kolektivno kombinovano osiguranje radnika od posljedica nesretnog slučaja uslovio osiguranje zaposlenika za slučaj smrti usljed bolesti samo na zdrave zaposlenike općine pri čemu su isključeni zaposlenici kod kojih je prije početka osiguranja dijagnosticirana jedna od teških bolesti, to njegova ponuda nije prihvatljiva, imajući u vidu da je tenderskom dokumentacijom uslovljeno osiguranje za sva uposlena lica bez obzira na zdravstveno stanje uposlenih punih 24 sata dnevno i 7 dana sedmično bez teritorijalnog ograničenja, za slučaj smrti usljed bolesti, smrti usljed nezgode i trajnog invaliditeta.

Na osnovu navedenog, ponuda ponuđača ASA CENTRAL OSIGURANJE DD Sarajevo je ocjenjena kao neprihvatljiva, obzirom da ne ispunjava zahtjeve iz tačke 1.5.1. Tenderske dokumentacije, te se ista odbacuje, shodno članu 68. Zakona o javnim nabavkama.

- Da su u predmetnom postupku javne nabavke dostavljene dvije ponude koje ispunjavaju uslove specificirane tenderskom dokumentacijom, te da je Odlukom o pokretanju postupka javne nabavke predviđeno provođenje e – aukcije, shodno Pravilniku o uslovima i načinu korištenja e-aukcije („Službeni glasnik BiH“, br. 66/16), Komisija je utvrdila rang listu ponuđača koji su dokazali kvalifikacije za učešće u ovom postupku, kako slijedi:

1. ADRIATIK OSIGURANJE DD Sarajevo, sa ponudom od 19.836,00 KM bez PDV – a.
2. SARAJEVO OSIGURANJE DD Sarajevo, sa ponudom od 19.972,80 KM bez PDV – a.

- Da je nakon provođenja e – aukcije, pribavljen Izvještaj o toku i završetku e – aukcije sa Portala javne nabavke, sa konačnom rang listom ponuđača, kako slijedi:

1. ADRIATIK OSIGURANJE DD Sarajevo, sa ponudom od 19.836,00 KM bez PDV – a.
2. SARAJEVO OSIGURANJE DD Sarajevo, sa ponudom od 19.972,80 KM bez PDV – a.

Obzirom da se radi o Konkurentskom postupku javne nabavke, objavljenom u Službenom glasniku BiH, br. 47/23 i Portalu javne nabavke, broj obavještenja 422-7-2-163-3-159/23 od 04.07.2023. godine, da su dostavljene tri ponude od kojih dvije ispunjavaju uslove specificirane tenderskom dokumentacijom, te kako je Odlukom o pokretanju postupka javne nabavke predviđeno provođenje e – aukcije, shodno Pravilniku o uslovima i načinu korištenja e-aukcije („Službeni glasnik BiH“, br. 66/16), a nakon provođenja iste, na Preporuku Komisije za javne nabavke roba i usluga, shodno članu 64. stav 1. tačka b. Zakona o javnim nabavkama, odlučeno je kao u dispozitivu.

Pouka o pravnom lijeku:

Protiv ove Odluke dozvoljena je žalba u roku od 5 dana po prijemu iste, Uredu za razmatranje žalbi Mostar, putem ovog organa, u pisanoj formi, direktno na protokol ugovornog organa, elektronskim putem ili preporučenom pošiljkom.

Obradila: Komisija za javne nabavke roba i usluga

DOSTAVITI:

1. Služba za zajedničke poslove
2. U spis

